

江寧府志

禮命伯夷典之夏殷以來互有損益至
成周而禮制大備以吉禮敬鬼神以凶禮表邦國以
賓禮親賓客以軍禮誅不虔以嘉禮合姻好成康由
之而刑措不用自是厥後英主代興制亦遞改昔司
馬彪集後漢衆注爲禮儀志校其行事與前漢多所
異同則夫遙遙數千百載世變風移而欲強後之人
事事悉合乎古非通論已顧吾聞之天不變道亦不
變雖忠質殊尚因革異宜而郊壇之制朝廟之儀以
及講射讀法之節歷代相沿初不易軌明太祖有天



下廣徵耆碩分曹究討纂成集禮一書典章較爲明
備我

朝重熙累洽禮教修明忝三代而酌其中監有明而去
其弊宏綱式舉細目畢張所以辨上下洽幽明肅綱
常正軌物者靡不周至茲志所載不過郡邑通行者
數事而經國之宏規宜民之善術於是乎在夫黼黻
休明使禮教長行於天下者守土之責也擇其要者
裒以成編亦以助修道立教之化云爾志典禮

正定府志卷之十五

典禮上

秩祀

國之大事祀居一焉考之禮制有壇有廟或升臭以達諸陽或灌鬯以達諸陰凡風雲雷雨山川社稷之神以及禦大災捍大患者罔不明禋昭事以迓神庥

我

皇上軫念民依不忘稼穡每歲仲春

親享先農舉行耕藉大典

勅各省守土之官建立壇壝俱行九推之禮鉅制宏規邇

越千古以故雨暘時若年穀順成四境之內無有天
札疵癘兆民世世賴之然吾聞古者先成民而後致
力於神司土者誠能務其三時修其五教親其九族
以致其禋祀神於是降之以福否則明德未馨人之
稱斯祀也其謂之何

社稷壇

明洪武元年頒壇制於天下郡邑俱設於本城西北
左稷右社十一年定議太社稷同壇合祭在外王國
及府州縣祀如之攷定制壇而不屋高二尺一寸
東西二丈五尺南北如之壇下南一十二丈東西北

各五丈壇面鋪石繚以周垣四出陛各三級壇面正中埋石主二座方一尺長二尺五寸露圓尖餘埋土中另設神牌二以木爲之硃漆青字高二尺四寸寬六寸跌高五寸寬九寸五分府書府社之神府稷之神州稱州社之神州稷之神縣稱縣社之神縣稷之神臨祭置案上以春秋仲月上戊日祭陳設祝版一血豆一帛一爵三鉶一簋二簋二籩四豆四羊一豕一鐙二

國朝雍正五年部頒定式帛

黑色爵白籩棗栗鹽豆韭菹

菁菹簋黍簋稻鹿醢

祭文

維神奠安九土粒食萬邦分五色以表封圻育三農
而蕃稼穡恭承守土肅展明禋時屆仲春秋敬修祀典
庶九九松栢輦磐石於無疆翼翼黍苗佐神倉於不
匱

古者勾龍配社棄配稷明會典洪武十一年詔定王
府社稷不設配自後惟京師太社稷有配位州縣皆
無

按先儒以經文無北郊因謂社便是祭地然地與社
疑不同山考索云地者后土之總稱社者地祇之
屬而非即地也所以地爲大祀社爲中祀祭地則用騂
犢祭社則用太牢祭地則用七獻祭社則用三獻祭

地則服袞衣祭社則用絺衣祭地則以后稷配祭社則以勾龍配王制言天子祭天地諸侯祭社稷地與社之不同明矣吳澂云祭地之禮北郊方澤爲至重惟天子得行之其次則祭地於社天子而下皆得行之斯言最爲明確經傳中有天與地並稱者此南北郊之禮也其禮地與天敵有郊與社並稱者此郊社之禮也其禮社不與郊敵今人勿深考遂謂社卽是方澤恐誤

風雲雷雨山川壇

漢唐宋風雷雨各立壇以祭明洪武二年增祀雲合

爲一壇六年又合山川共爲一壇八年又以城隍合

祭於壇壇制與社稷同四出陛各三級壇面正中埋

石主三座方一尺長二尺五寸露圓尖餘埋土中中

列風雲雷雨之神山川居左城隍居右歲以春秋仲

月上戊日致祭

國朝因之雍正二年奏淮安設神位

風雲雷雨之神居中

帛四

某

州府

境內山川之神居左

帛二

某

州府

城隍之神居右

帛一

共用白色帛七陳設無血豆

禮無瘞手血餘與社稷壇同

祭文

維神贊襄天澤福祐蒼黎佐靈化以流形生成永賴
乘氣機而鼓盪溫肅攸宜磅礴高深長保安貞之吉
憑依鞏固實資捍禦之功旣民俗之殷盈仰神明之

庇護恭修歲祀正值良辰敬潔豆籩祇陳牲幣

先農壇

雍正四年遵

旨議定通行直省於該地方建立先農壇以雍正五年爲始每歲仲春督撫及府州縣等官率耆老農夫恭祭先農之神陳設如社稷壇儀節亦同帛青色

祭文

維神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉羹章

聿修祀事惟願五風十雨嘉祥恒沐於神庥九穗雙岐上瑞頻書於大有

耕藉

雍正五年題准詳訂耕藉儀注頒行直省各擇東郊官地潔淨豐腴者立爲藉田如無官地動支正項錢糧購買民田以四畝九分爲藉田卽於藉田後建立先農壇供奉神牌收貯祭器選擇勤謹農夫二名各其差役酌給口糧令居壇西配房看守朝夕灑掃每歲耕藉之日祭先農壇朝服行禮祭畢各官俱更蟒袍省城督撫秉耒知縣執青箱知府播種府城知府

秉耒佐貳執青箱知縣播種州縣正印官秉耒佐貳
執青箱播種耕時用耆老一人牽牛農夫二人扶犁
俱照九卿之例九推九返農夫終畝耕畢各率耆老
農夫行望

闕三跪九叩首禮其農具俱用赤色牛用黑色箱用青
色所盛籽種悉從各處土宜卽着守壇農夫灌漑耤
田地方官不時勸課至耕耤日期欽天監選擇吉期
禮部奏請

欽定通行直省舉行永著爲令

厲壇

春秋傳曰鬼有所歸乃不爲厲此祭厲壇之義也明
洪武三年定制府州祭郡厲縣祭邑厲皆設位北郊
一年二祭如京師

國朝順治初定每歲清明中元十月朔祭無祀鬼神於
本城之北郊府州稱郡厲縣稱邑厲如舊制先期主
祭官詣城隍廟發告文祭日設城隍位於上榜無祀
鬼神而祭之祭品城隍帛一爵三羹五羊豕一鐙二
香盤紙馬無祀鬼神東西各一案爵三菜三羊豕一
米一鐙二紙楮十兩金銀鏹十束

祭文

維年月日某立謹以牲帛醴齊黍稷之儀致祭於城隍之神曰幽明異路守土維均命折殊名求食罔異惟聰明正直而一有以作之鑒觀庶焄蒿悽愴之情無不極其情狀爰遵定制聿舉明禋凡斯無祀之魂俱屬有生之類爲男爲女姓莫紀於宮商是故是新代何稽於子丑號風嘯雨斷子姓而疇依附草栖烟絕姻親其何託謹設壇於城北仰主祭於尊神維茲神既之節敬備牲醴肅具飯羹統一境之幽魂索羣靈而大享鬼言歸也庶幾望壇墮以知歸神之格思尚其鑒馨香而來格尚饗

里社壇

坊隅鄉都隨地建設明初定制命里中耆老歲以春秋仲月用羊豕酒果祭之今多廢

鄉厲壇

隨地建設明初定制命里中耆老歲以春秋仲月用羊豕酒果祀本鄉無祀鬼神今多廢

關帝廟

帝諡壯繆乾隆二十五年更曰神勇

國朝順治元年定制每年五月十三日祭關帝之神

年

封忠義神武關聖大帝雍正三年

勅封關帝三代公爵曾祖光昭公祖裕昌公父成忠公
造神鼎供奉後殿除五月專祀外前後殿春秋仲月
擇日並祭

前殿帛一白爵三登一釧一簠二簋二牛一羊一豕

一籩十豆十鐙二後殿每案帛一爵二籩八豆八羊
一豕一鐙二其五月十三日但祭前殿果五牛羊豕
同不用籩豆亦不用祝文儀注前殿如文廟禮後殿
如崇聖祠禮

祭文

維帝浩氣凌霄丹心貫日扶正統而彰信義威震九

州完大節以篤忠貞名高三國神明如在徧祠宇於
寰區靈應丕昭薦馨香於歷代屢徵異績顯佑羣生
恭值嘉辰遵行祀典筵陳籩豆几奠牲醪

三代祭文

維公世澤貽庥靈源積慶德能昌後篤生神武之英
善則歸親宜享尊榮之報列上公之封爵錫命優隆
合三世以肇禋典章明備恭逢諏吉祇事薦馨

城隍廟

明洪武二年禮官言城隍之祀莫詳其始先儒謂既
有社不應復有城隍故唐李陽冰縉雲城隍記謂祀

與所無惟吳越有之然成都城隍祠李德裕所建張
說有祭城隍文杜牧有祭黃州城隍文不獨吳越爲
然又蕪湖城隍廟建於吳赤烏二年高齊慕容儼梁
武帝主祀城隍皆書於史又不獨唐而已宋以來其
祠稱天下或錫廟額或頒封爵或遷就附會各指一
人以爲神之姓名按張說祭荊州城隍文曰城隍是
保世庶是依則前代崇祀之意有在也今宜附祭於
城隍之壇乃命加以封爵京都爲承天監國司
民身福明靈王其餘府爲監察司民城隍威靈公州
爲監察司民城隍靈佑侯縣爲監察司民城隍顯佑